

Mensahe 2

Mahinungdanong Mga Aspeto sa Pagkinabuhi diha sa Maayong Yuta human Mamauli gikan sa Pagkabihag sa Babilonia

Basahong Kasulatan: 1 Cron. 4:10; 9:1; 16:8-12, 16-18; 29:10-20;
2 Cron. 20:15-22; 36:22-23

- I. Hulagway ang kasaysayan sa katawhan sa Israel, nga naghulagway sa mga magtutuo sa Bag-ong Tugon ug tungod niana naghulagway sa iglesia—2 Cron. 36:22-23; 1 Cor. 10:6, 11.**
- II. Gibihag ang Juda ngadto sa Babilonia tungod sa pagkadili-matinumanon nila; busa, magmatinumanon gyod sa Dios ang mga namauli gikan sa pagkabihag—1 Cron. 9:1; 1 Cor. 4:1-2; 7:25; 2 Tim. 2:13; Bug. 17:14:**
 - A. Matinumanon ang Dios sa pagtuman sa Iyang pamatigayon ug sa pagdala kanato nganha sa Iyang pamatigayon—Lam. 3:23b.
 - B. Kay matinumanon man nga Dios, dili Siya makalimod sa Iyang Kaugalingon; dili Siya makalimod, makasupak, sa kaugalingon Niyang pagkamao—2 Tim. 2:13.
 - C. Maumol ngani Siya kanato ug ang kaayo Niya nga pagkamatinumanon, mahimo Siyang kita, ug mahimo tang Siya sa kaayo Niya nga pagkamatinumanon—1 Cor. 7:25; 2 Tim. 2:13:
 1. Maingon nga dili makalimod ang Dios sa kaugalingon Niyang pagkamao, dili sab makalimod sa kaugalingon natong pagkamao kintang naumolan na Niya—itandi sa Efe. 3:16-17.
 2. Sa ingon niini man makahimo ta, ug mahimong matinumanon isip mga piniyalan sa mga misteryo sa Dios—1 Cor. 4:1-2.
 3. Kay naumolan man ta sa matinumanong Dios, magmatinumanon gyod ta Niya; dili gyod motugot ang atong pagkamao nga dili ta magmatinumanon.
 - D. Kanang magmatinumanon ta, makasaligan, nagpasabot nga tumanon nato ang pagkapiniyalan nga gipahat sa Ginoo kanato—vv. 1-2; 7:25; 1 Tim. 1:12.
 - E. Inig-anhi sa Ginoo aron makiggubat didto sa Armagedon, Siya ang Ginoo sa mga ginoo ug ang Hari sa mga hari, ug ang mga mananaog nga mag-uban Niya mao ang “mga tinawag ug mga pinili ug mga matinumanon”—Bug. 17:14; 19:11-21.
- III. Gisugo nga makaila, mosugot, ug mosimba ni Jehova ang tanang namauli sa maayong yuta gikan sa pagkabihag nila sa Babilonia—1 Cron. 16:8-14:**
 - A. Nagpasabot ang *Dios* sa gahom sa Dios ug sa relasyon Niya sa mga binuhat; nagpasabot ang *Jehova nga Dios* sa Dios nga nakigrelasyon sa tawo.
 - B. Dili lang ang Makagagahom si Jehova nga Dios kondili ang niduol sab sa tawo—Gen. 2:4, 8, 15-16, 18-19, 21-22.

Mensahe 2 (sumpay)

- C. Nagpasabot ang *Jehova* og “Ako mao ang Ako mao,” nagpakita nga si Jehova ang naanaa-sa-iyang-kaugalingon ug naa-kanunay nga walay kataposan, ang naa kaniadto, naa karon, ug naa sa umalabot hangtod sa hangtod—Exo. 3:14; Bug. 1:4.
- D. Si Jehova ra ang Mao—Heb. 11:6:
 - 1. Kining Bugtong-talagsaon nga dunay pagkamao mao ang dakong “Mao”; ikaaplikar lang sa Dios ug dili kanato ang verbong *mao*.
 - 2. Ang Dios mao ang unibersohanong Mao, ang tinuod nga pagkamao; ang Dios ray Ako Mao; Siya ray dunay pagkamao.
- E. Ang *Jehova* maoy ngalan sa Dios alang sa pagkaanaa ug katumanan—Gen. 17:1; 28:3; 35:11; Exo. 3:14; 6:6-8.
- F. Kay naa man si Jehova sa walay kataposan ug kay Siya man ang realidad sa verbong *mao*, tumanon Niya ang tanang gipamulong Niya—Juan 8:28-29.
- G. Sa pahiuhi sa Ginoo karon, naa ta sa hugna sa katumanan; nagsinati ta sa Dios isip Jehova, ang dakong Ako Mao—Exo. 3:14-16; Juan 8:24, 28.

IV. Ang pagpamauli sa mga anak sa Israel sa maayong yuta nagtimaan sa pagpamauli sa mga Cristohanon gikan sa pagkabahinbahin nganha sa sukaranan sa iglesia, sa sukaranan sa pagkausa—2 Cron. 36:22-23; itandi sa Deut. 12:1-32:

- A. Ang lokal nga sukaranan sa iglesia mao gyod ang bugtong-talagsaong pagkausa sa Lawas ni Cristo nga gibatasan sa mga iglesia lokal—Efe. 4:4; 1 Cor. 1:2; 12:27.
- B. Matod pa sa diosnong pinadayag sa Bag-ong Tugon, inumol sa tulo ka mahinungdanong elemento ang sukaranan sa iglesia:
 - 1. Ang unang elementong nag-umol sa sukaranan sa iglesia mao ang bugtong-talagsaong pagkausa sa unibersohanong Lawas ni Cristo, nga ginganlag “ang pagkausa sa Espiritu” (Efe. 4:3)—ang pagka-usang giampo sa Ginoo sa Juan 17.
 - 2. Ang ikaduhang elemento sa sukaranan sa iglesia mao ang bugtong-talagsaong sukaranan sa lokalidad diin naestablisar ug naanaa ang iglesia lokal—Bug. 1:11; Buh. 14:23; Tito 1:5.
 - 3. Ang ikatulong elemento sa sukaranan sa iglesia lokal mao ang realidad sa Espiritu sa pagkausa, sa ato pa, ang realidad sa Espiritu, nga mao ang buhing realidad sa Diosnong Trinidad—1 Juan 5:6; Juan 16:13.
- C. Tiunayng may kalabotan sa kinabuhi ang sukaranan sa iglesia—Sal. 133:1, 3; 36:8-9.

V. Gisultian ang mga anak sa Israel nga namauli sa maayong yuta nga hinumdoman nila ang gipakigsaad sa Dios kang Abraham—1 Cron. 16:15-18; Gen. 15:7-21:

Mensahe 2 (sumpay)

- A. Nituo si Abraham sa Dios sa saad Niya bahin sa kaliwat, apan wala siyay pagtuo nga motuo sa Dios bahin sa saad sa maayong yuta—vv. 6-8.
 - B. Aron malig-onan ang pagtuo ni Abraham, napugos ang Dios sa pagpalig-on sa gisaad Niya kaniya pinaagi sa paghimog pakigsaad kaniya—vv. 9-21:
 - 1. Ang gipakigsaad sa Dios kang Abraham pakigsaad sa saad nga matuman pinaagi sa gahom sa Dios diha sa Iyang grasya—Juan 1:14, 17.
 - 2. Sumpay ning pakigsaara ang bag-ong tugon—Gal. 3:17; 4:22-26.
 - C. Gihimo sa Dios ang pakigsaad Niya ni Abraham pinaagi sa gilansang sa krus ug nabanhaw nga Cristo—Gen. 15:9; Rom. 6:5-6, 9:
 - 1. Ang tulo ka matang nga hayop nga gipatay nagtimaan ni Cristo sa pagka-tawo Niya nga gilansang sa krus alang nato, ug ang duha ka buhing langgam nagtimaan ni Cristo sa pagkadios Niya nga maoy buhi ug nabanhaw—Gen. 15:9; Juan 11:25; Bug. 1:18.
 - 2. Alang sa halad sa pakigdait ang dumalagang baka, alang sa halad tungod sa sala ang bayeng kanding, ug alang sa halad nga sinunog ang laking karnero—Gen. 15:9; Lev. 3:1; 4:28; 5:6; 1:10.
 - 3. Sa tipolohiya, nagtimaan sa kinabuhing nag-antos ang tukmo, ug nagtimaan sa matinuohong kinabuhi, sa kinabuhi sa pagtuo, ang kuyabog nga salampati; duha ka kinaiya kini sa kinabuhi sa Ginoo dinhi sa yuta—Gen. 15:9.
 - 4. Kay numero man sa panghimatuod ang duha, nanghimatuod ni Cristo nga nabuhi sa sulod nato ug alang nato ang duha ka buhing langgam—v. 9; Juan 14:19-20; Gal. 2:20.
- VI. Isip mga magtutuo ni Cristo, kinahanglan duna tay mga pag-ampo nga nagpadayag sa kabubut-on sa Dios ug sa tinguha nato nga modako ang personal nga espirituhanong utlanan nato—1 Cron. 29:10-20; 4:10:**
- A. Dunay tulo ka kabubut-on sa uniberso: ang diosnong kabubut-on, ang satanasnong kabubut-on, ug ang tawhanong kabubut-on; gusto sa Dios nga madugtong Niya ang kabubut-on sa tawo ug mausa Niya ang tawo aron makapadayag ug makapasumbalik ang tawo sa kabubut-on Niya diha sa pag-ampo aron mahimuot Siya—Mat. 6:10; 7:21:
 - 1. Hinimo sa upat ka lakang ang tinuod nga kahulogan sa pag-ampo:
 - a. Tuyo sa Dios nga mobuhat sumala sa Iyang kabubut-on—6:10.
 - b. Ipadayag Niya ang Iyang kabubut-on kanato pinaagi sa Espiritu aron masayod ta sa Iyang kabubut-on.
 - c. Ibalik ug ipasumbalik nato Kaniya ang Iyang kabubut-on pinaagi sa pag-ampo—Juan 15:7.
 - d. Humanon sa Dios ang Iyang buhat sumala sa Iyang kabubut-on—Bug. 4:11.

Mensahe 2 (sumpay)

2. Ang mga pag-ampo ra nga gipasiugdahan sa Dios ug nagpasumbalik sa gipasiugdahan Niya ang dunay espirituhanong bili; kat-onan gyod nato nga moampo ning matanga sa pag-ampo—Efe. 6:18; 1 Juan 5:14-16a.

B. Nisangpit si Jabez sa Dios aron modako ang iyang utlanan, ang pagpadako sa utlanan sa maayong yuta diha sa iyang pag-ampo nagtimaan sa pagpadako sa utlanan sa pagpakabaton kang Cristo ug sa pagpahimulos kang Cristo, nga mao ang realidad sa maayong yuta—1 Cron. 4:10; itandi sa Fil. 3:8-14.

VII. Basi sa 2 Cronicas 20:15-22 makat-on ta nga makig-away sa espirituhanong away pinaagi sa pagdayeg nato sa Ginoo:

A. Sa 2 Cronicas 20:15 giingnan ni Jehova si Haring Jehosapat nga, “Ayaw kahadlok o kaluya tungod ning dakong panon, kay dili inyoha ang gubat kondili sa Dios,” ug sa versiculo 17a, “Dili kamoy makig-away ning gubata”:

1. Daghan sa mga mag-aalagad ang nagdayeg ni Jehova nga Dios sa Israel sa makusog kaayong tingog—v. 19.

2. Sa nagsugod na sila sa pagsinggit sa awit ug sa pagdayeg, nagpahamutang si Jehova og mga pagbanhig alang sa mga kaaway, ug gihampak sila—v. 22.

B. Ang pagdayeg maoy kinalabwang buhat nga gibuhat sa mga anak sa Dios—Sal. 119:164; Heb. 13:15:

1. Ang kinalabwang pagpadayag sa espirituhanong kinabuhi sa balaan mao ang pagdayeg niya sa Dios—Sal. 146:2; Heb. 13:15; Bug. 5:9-13; 19:1-6:

a. Mosulbong ang Cristohanong kinabuhi pinaagi sa pagdayeg—Buh. 16:19-34.

b. Ang pagdayeg paglabaw man nato sa tanang butang aron makatandog sa Ginoo—Bug. 14:1-3; 15:2-4.

2. Wala mag-agad sa pagpakig-away ang espirituhanong kadaogan—nag-agad kini sa pagdayeg—2 Cron. 20:20-22.

C. Sa iglesiahanong kinabuhi ug sa personal natong kinabuhi, mohalad gyod ta sa kinahingpitang pagdayeg sa Dios—Sal. 22:22; Heb. 2:12b.

D. Pinaagi ni Cristo nga nasinati ug napahimuslan nato, mapadayonon gyod tang mohalad og halad sa pagdayeg sa Dios—13:15.

E. “Daygon Ka nako, O Ginoo nga Dios ko, sa bug-os kong kasingkasing; / Ug himayaon ko ang Imong ngalan hangtod sa hangtod”—Sal. 86:12.